

10. In reconciliatione ecclesiæ vel cœmeterii

¶ Missa dicitur de Officio diei, sed sub unica conclusione cum 1^a oratione adduntur sequentes orationes; aliæ commemorationes, præter privilegiatas, excluduntur.

Oratio

4754 **D**eus, qui dixisti: Domus mea domus orationis vocabitur: domum istam infidelium spurcitiis contaminatam mundare et sanctificare digneris; et omnium preces et vota hoc in loco ad te clamantium clementer exaudias, et benignus suscipias. Per Dominum.

Secreta

4755 **H**æc hostia, quæsumus, Domine, et hoc locum istum ab omnibus immunditiis expurget: et supplicationes nostras semper et ubique reddat tibi acceptas. Per Dominum.

Postcommunio

4756 **P**ercipientes, Domine, mûnera salutis æternæ supplices exoramus: ut templum hoc et cœmeterium, ab infidelium inquinamenti emundatum, benedictione tua maneat sanctificatum; et pectora nostra ab omni sorde vitiorum alienata tibi que devota semper existant. Per Dominum.

11. Pro sponsis

¶ Si solemnitas benedictio nuptiarum, intra Missam, facienda sit die dominico vel die I classis, dicitur Missa de Officio occurrente, cum commemoratione sequentis Missæ pro sponsis, sub unica conclusione, etiam diebus in quibus commemoratio Missæ votivæ impedita prohibetur; et in ea datur benedictio nuptialis more solito.

Si autem solemnitas benedictio nuptiarum, intra Missam, facienda sit aliis diebus, dicitur sequens Missa votiva pro sponsis.

In Commemoratione omnium Fidelium defunctorum et Triduo sacro prohibetur sive Missa votiva, sive eius commemoratio in Missa diei, sive benedictio nuptialis infra Missam.

Cum vero tam Missa pro sponsis quam benedictio nuptialis prohibetur, Missa una cum benedictione transferri potest in opportuniorem diem non impeditum, post celebratum matrimonium.

Ant. ad Introitum Tob. 7, 15 et 8, 19

Deus Israël coniungat vos; et ipse sit vobiscum, qui miseratus est duobus unicis; et nunc, Domine, fac eos plenius benedicere te. (T. P. Alleluia, alleluia.) Ps. 127, 1 Beati omnes qui timent Dominum: qui ambulant in viis eius. V. Gloria Patri.

Et dicitur Gloria in excelsis.

Oratio

Exaudi nos, omnipotens et misericors Deus: ut, quod nostro ministratur officio, tua benedictione potius impleatur. Per Dominum.

Lectio Epistolæ beati Pauli Apostoli ad Ephesios. Ephes. 5, 22-33

Fratres: Mulieres viris suis subditæ sint, sicut Domino: quoniam vir caput est mulieris: sicut Christus caput est Ecclesiæ: Ipse, salvator corporis eius. Sed sicut Ecclesia subiecta est Christo, ita et mulieres viris suis in omnibus. Viri, diligite uxores vestras, sicut et Christus dilexit Ecclesiam, et seipsum tradidit pro ea, ut illam sanctificaret, mundans lavacro aquæ in verbo vitæ, ut exhiberet ipse sibi gloriosam Ecclesiam, non habentem maculam, aut rugam, aut aliquid huiusmodi, sed ut sit sancta et immaculata. Ita et viri debent diligere uxores suas, ut corpora sua. Qui suam uxorem diligit,

seípsum díligit. Nemo enim unquam carnem suam ódio hábuit: sed nutrit et fovet eam, sicut et Christus Ecclésiám: quia membra sumus córporis eius, de carne eius et de óssibus eius. Propter hoc relínquet homo patrem et matrem suam, et adhærébit uxóri suæ: et erunt duo in carne una. Sacraméntum hoc magnum est, ego autem dico in Christo et in Ecclésia. Verúmtamen et vos sínguli, unusquisque uxórem suam, sicut seípsum díligat: uxor autem tímeat virum suum.

4760 **Graduale** Ps. 127, 3

Uxor tua sicut vitis abúndans in lateríbus domus tuæ. *V.* Fílii tui sicut novéllæ olivárum in circúitu mensæ tuæ.

4761 **Allelúia, allelúia.** *V.* Ps. 19, 3 **Mittat vobis Dóminus auxiliúm de sancto: et de Sion tueátur vos. Allelúia.**

Post Septuagesimam, omissis Allelúia et versu sequenti, dicitur

Tractus Ps. 127, 4-6

4762 **Ecce sic benedicétur omnis homo, qui timet Dóminum.** *V.* Benedícat tibi Dóminus ex Sion: et vídeas bona Ierúsalem ómnibus diébus vitæ tuæ. *V.* Et vídeas filios filiórum tuórum: pax super Israél.

Tempore autem paschali omittitur graduale, et eius loco dicitur:

4763 **Allelúia, allelúia.** *V.* Ps. 19, 3 **Mittat vobis Dóminus auxiliúm de sancto: et de Sion tueátur vos. Allelúia.** *V.* Ps. 133, 3 **Benedícat vobis Dóminus ex Sion: qui fecit cælum et terram. Allelúia.**

4764 **✠** Sequéntia sancti Evangélii secundum Matthæum. Mt. 19, 3-6

In illo témpore: Accessérunt ad Iesum pharisæi tentántes eum, et dicéntes: Si licet hómini dimítttere uxórem suam

quacúmque ex causa? Qui respóndens, ait eis: Non legístis, quia qui fecit hóminem ab inítio, másculum et féminam fecit eos? et dixit: Propter hoc dimíttet homo patrem et matrem, et adhærébit uxóri suæ, et erunt duo in carne una. Itaque iam non sunt duo, sed una caro. Quod ergo Deus coniúnxit, homo non séparet.

Ant. ad Offertorium Ps. 30, 15-16 4765

In te sperávi, Dómine: dixi: Tu es Deus meus: in mánibus tuis témpora mea. (T. P. Allelúia.)

Secreta

Súscipe, quæsumus, Dómine, pro sacra connúbii lege munus oblátum: et, cuius largítor es óperis, esto dispósitor. Per Dóminum. 4766

¶ Dicto Pater noster, sacerdos, antequam dicat Líbera nos, quæsumus, Dómine, stans in latere Epistolæ versus sponso ante altare genuflexos, dicit super eos sequentes orationes:

Orémus. Oratio 4767

Propitiáre, Dómine, supplicatióibus nostris, et institútis tuis, quibus propagatiónem húmáni géneris ordinásti, benígnus assiste: ut, quod te auctóre iúngitur, te auxiliánte servétur. Per Dóminum nostrum.

Orémus.

4768

Deus, qui potestáte virtútis tuæ de níhilo cuncta fecísti: qui, dispósitis universitátis exórdiis, hómini, ad imáginem Dei facto, ídeo inseparábile mulieris adiutórium condidísti, ut femíneo córpori de virili dares carne princípium, docens, quod ex uno placuisset instituí, numquam licére disiúngi: Deus, qui tam excellénti mystério coniugálem cópulam consecrásti, ut Chri-

sti et Ecclesiæ sacramentum præsignâtes in fœdere nuptiarum: Deus, per quem mulier iungitur viro, et societas principaliter ordinata ea benedictione donatur, quæ sola nec per originalis peccati pœnam nec per diluvii est ablata sententiam: respice propitius super hanc famulam tuam, quæ, maritali iungenda consortio, tua se expetit protectione muniri: sit in ea iugum dilectionis et pacis: fidelis et casta nubat in Christo, imitatrixque sanctarum permaneat feminarum: sit amabilis viro suo, ut Rachel: sapiens, ut Rebecca: longæva et fidelis, ut Sara: nihil in ea ex actibus suis ille auctor prævaricationis usurpet: nexa fidei mandatisque permaneat: uni thoro iuncta, contactus illicitos fugiat: muniat infirmitatem suam robore disciplinæ: sit verecundia gravis, pudore venerabilis, doctrinis cælestibus erudita: sit fecunda in subole, sit probata et innocens: et ad beatorum requiem atque ad cælestia regna perveniat: et videant ambo filios filiorum suorum usque in tertiam et quartam generationem, et ad optatam perveniant senectutem. Per eundem Dominum.

¶ Tunc sacerdos reversus ad medium altaris dicat *Libera nos, quæsumus, Domine, et reliqua more solito; et, postquam sumpserit Sanguinem, communicet sponso: et prosequatur Missam.*

4769 Ant. ad Communionem Ps. 127, 4 et 6

Ecce sic benedicetur omnis homo, qui timet Dominum: et videas filios filiorum tuorum: pax super Israël. (T. P. Alleluia.)

4770 Postcommunio

Quæsumus, omnipotens Deus: instituta providentiæ tuæ pio favore comitare; ut, quos legitima societate

connectis, longæva pace custodias. Per Dominum nostrum.

¶ Dicto *Ite, missa est, sacerdos, antequam populo benedicat, conversus ad sponso, dicat:*

Deus Abraham, Deus Isaac, et Deus 4771
Jacob sit vobiscum: et ipse adimpleat benedictionem suam in vobis: ut videatis filios filiorum vestrorum usque ad tertiam et quartam generationem, et postea vitam æternam habeatis sine fine: adiuvante Domino nostro Iesu Christo, qui cum Patre et Spiritu Sancto vivit et regnat Deus, per omnia sæcula sæculorum. R. Amen.

¶ Moneat eos sacerdos gravi sermone, ut, in Dei timore manentes et alterutrum diligentes, mutuam fidem et coniugalem castitatem servent, atque prolem in catholica religione sedulo instituant. Postea eos aspergat aqua benedicta, et, dicto *Placet tibi, sancta Trinitas, det benedictionem; et legat, ut solitum est, initium Evangelii secundum Ioannem.*

12. In 25° et 50° anniversario a celebratione matrimonii

¶ Pro gratiarum actione in 25° et 50° anniversario a celebratione matrimonii, dici potest, ut votiva II classis, Missa aut de Ssma Trinitate [49] aut de B. Maria Virgine, [43-48] addita oratione « pro gratiarum actione » [103] sub unica conclusione cum prima.

Diebus I classis et dominicis hæc Missa votiva prohibetur; tunc enim oratio « pro gratiarum actione » addi potest Missæ diei, modo ne occurrant festa Nativitatis et Epiphaniæ Domini, Triduum sacrum, dominica Resurrectionis, festum Ascensionis Domini, dominica Pentecostes, festa Ssmae Trinitatis, Corporis Christi, Cordis Iesu et Christi Regis, necnon Commemoratio omnium Fidelium defunctorum.

¶ Missa finita, super coniuges dicuntur preces quæ inveniuntur in Rituali romano.